

KPDNHEP akan kaji semula Program Subsidi Petrol - Nanta

Najmi Syahiran Mamat, Astro Awani | Diterbitkan pada Mac 12, 2020 14:20 MYT



NANTA: Jika saya yakin ia bagus, kenapa kita tidak melihatnya secara positif. Kita boleh meneruskannya jika ia baik untuk rakyat dan negara. - Astro AWANI/NAJMI SYAHIRAN MAMAT

PUTRAJAYA: Kerajaan akan mengkaji pelaksanaan Program Subsidi Petrol (PSP) yang ditangguhkan kerajaan terdahulu untuk diperkenalkan semula demi kesejahteraan rakyat.

Menteri Perdagangan Dalam Negeri dan Hal Ehwal Pengguna Datuk Alexander Nanta Linggi berkata beliau akan menyemak semula pelaksanaan PSP bersama pegawai-pegawai di kementeriannya dengan memberi fokus kepada isu-isu yang membabitkan rakyat.

"Sesuatu yang telah sedia ada atau dicadangkan, jika saya yakin ia bagus, kenapa kita tidak melihatnya secara positif. Kita boleh meneruskannya jika ia baik untuk rakyat dan negara," katanya.

Beliau berkata demikian kepada media pada hari pertama bertugas di Kementerian Perdagangan Dalam Negeri dan Hal Ehwal Pengguna (KPDNHEP) di sini, hari ini.

Pada Disember lalu, Kabinet memutuskan supaya pelaksanaan PSP tidak diteruskan sehingga ditentukan kelak bagi memberi lebih ruang kepada penerangan dan penjelasan untuk rakyat.